

## Classe 603

### “Quand J'tchitt'tai l'école” par FMH. (Florence M. Hacquoil)

Siez nous toute la convèrsâtion  
Touôgne sus eune împortante tchestchion,  
Car mes pathents voudraient saver  
Tch'est qu'j'm'en vais faithe quand l'école j'tchitt'tai.

Comme man pèpèe est tchèrpentchi  
l' dit que j'dévthais suivre san mètchi.  
Mais mémèe voudrait qu'jé sais fèrmi  
Comme man papa Lé Boutilyi.

l' pèrdent bein lus temps à distchuter,  
Car mén av'nîn est décidé.  
Ch'n'est pon sus la tèrre qué j'm'en vais rester  
J'ai l'intention ès plianètes dé voler.

Dès qué mes examens j'éthai pâssé,  
En Angliètèrre dans un collège j'îthai,  
Et un pilote j'm'en vais dév'nîn  
Pouor voler dans l's avions d'l'av'nîn.

Lé tou du monde jé pouôrrai faithe  
Dans un coupl'ye d'heuthes comme la leunmiéthe.  
Quand j'pense qu'y'a quat' chents ans  
Sir Francis Drake, i' mînt trais ans.

J'vos ramèn'nai dé belles hardelles  
Des plianètes qu'nou vait comme des étailes;  
Et les gens îthont lus vacances pâsser  
‡ Saturne, à Jupiter, et au solé.